



四
佳
集
三

詩

卷十八

~ 16
2415
3



和
2415
18-3



四佳詩集卷之五

第五


詩類

宿廣陵村舍三首

故人皆數到公侯碌碌功名照鏡羞富貴儻來皆
外物青山行處是菟裘
當年虛費買田貲數頃如今廢不畱乞與隣人翻
作主春風漠漠若為悲
數家籬落暖春烟叱犢何人理廢田十載滄洲茅
屋趣此來情思又悠然

餞雪

二月江頭雪行行餞爾歸歲寒交有道春後見應
稀遺信先省鬢深情故入衣人間三白瑞相憶思



詩集五

依依

晝寢

席帽烏靴九陌塵青衫如舊白頭新一場春夢無
關鍵歸及故園山水春

春寒二首

寂寂春寒半掩門一簾疎雨又黃昏擁衾獨坐無
人到細聽羸牛齧豆根

一樹寒梅傍水門參橫月落耿黃昏悠悠記得還
家夢山下清泉漱石根

春愁

春愁綿綿有根蔓年年歲歲生不斷大盈六合細
八髮無有青春不愁日歌臺舞閣八無日却來窮

巷尋幽人幽人欲避避無地愁獨有信信亦崇古
來天地若無愁白髮亦不欺吾頭我願春江變作
春酒清洗盡崢嶸萬古之愁城愁自有愁醉自醉
愁生醉死君擇二

成同年在拜集賢校理詩以為賀無呈和仲

脩撰二首

昌寧才子弟與兄聯袂鑿坡藉甚聲一日機雲京
洛譽同時軾轍翰林榮兩歧已作明時瑞雙璧驚
傳世上名顧我少年交分在清班自幸共蜚英
明時制作煥文章鑿殿蜚英總俊良漢代真儒稱
賈董宋朝人物數歐黃宮花壓帽承恩重宣橘堆
盤滿袖香兩代殊榮慙未報願將丹悃效吾王

春日偶吟

酒徒當日數高陽日日逢場醉作狂且問青春深
幾許滿城烟柳動絲黃

送襄陽許太守

襄陽人物似前時俗朴民淳官事稀此去定應遺
後惠憑君重作峴山碑

題朴校理權家藏小畫二首

廬山三百重蒼翠晴氣氤氳曉來風雨聲流出滿溪

雲

右廬山風雨圖

青山如高人偃蹇無俗氣十年不歸去空愧山中

雲

右青山白雲圖

驀起

花影籠窓晝睡高筆紋如水篆烟銷為煩菜婦供
春興笑指新醪壓小槽

田婦嘆二首

蓬鬢荆釵紫茜裳終朝採菜不盈筐阿郎昨日賣
薪去換得鹽來為一嘗

南鄰滿甕已新菊客至逢場恣獻酬辜負生平夫
壻望一春無酒辦銷憂

次韻成和仲鑿坡春日雜詠五首

簾幕深深白日遲桃花嬌小杏花癡玉堂講舌初
霑茗烏帽廻簷恰得詩

水滴銅龍晝漏遲因風柳線不勝癡中官宣罷長
官出立向晴簷覓好詩

花磚日上退歸遲
禾跡清班愧老癡
柳色春光春
故好曲樓西畔立
尋詩

驢子東南行路遲
傍人拍手笑渠癡
問柳探梅等
閑事江山都在錦囊詩

問舍求田悔我遲
十年翻作利名癡
春風有力挽
吾興數朶青山百首詩

秋日書懷

吾生事業大悠悠
聒耳西風又一秋
江上歸心濃
似酒山中孤店小
於舟紫蟹已無香
稻味黃花還與濁
醪謀功名憐閭英雄
在今合歸田老一丘

賀柳大初拜司成

司成古祭酒物議已孚
君學校是風化詩書皆雅

言情親唯我輩骨肉在斯文
為報陽司業慙懃好策勲

送梁同年之任鎮海

蓮榜聯名二十年
相逢雲路重依然
久聞執法烏臺彥
今見為州太守賢
莫使催科書下考
竟看徵詔降中天
過家衣錦光輝動
忠孝須知更兩全

題子陵圖

老樹扶疎碧水流
絲綸直下思悠悠
漢家物色如相訪
七里灘頭一釣裘

題野老讀書圖

山下荒田數頃餘
門前老樹蔭踈踈
生來野老無關鍵
半頂烏紗讀古書

哭成修撰和仲像四首

痛哭成和仲，那知此蓋棺。文章憎命達，壽福被神
慳已矣。書千卷，居然土一丸。九泉鳴不起，哀淚自
沈瀾。

跌蕩如君少交遊，我獨親世情多。抹擬古道尚勤
辛，豈不男兒志其於夢幻身。生平多少策，厚夜竟
無晨。

長途期已遠，大器竟無施。耿耿言猶在，茫茫事又
非。堂前白頭母，膝下黃口兒。此恨何三及，言之亦
可悲。

浮生如寄爾，故友日淒其。忍聽山陽笛，空吟月落
時。塵凝鄴侯架，風攪董生帷。已矣峨洋曲，泛今誰

復知

題景愚畫竹

我種故園數竹，猗畫中時見。慰相思，雖然早抱凌
雲志。大節終回歲暮知。

試院作

燭盡三條曉色分，滿庭袍鶴白如雲。戰藝場中誰
巨擘，一雷今已動龍門。

夢松軒為成校理作

枕上銷殘一炷香，雙松如夢落蒼茫。憑渠自古冰
霜操，比我平生鐵石腸。身在畫圖非俗客，心遊物
外即仙鄉。歲寒更有他年約，擬向明堂作棟樑。

慶會樓賜宴詩

聖主登寶位大孝思奉先清廟肅晨禋圭璧禮無
愆感通在一理靈貺何昭宣久旱天乃雨萬物皆
欣然於樂飲此禧秩秩開華筵薰風殿閣涼白日
天中懸明良時際會魚藻懽無邊樂極不敢康仁
義為周旋干舞思祖業稼穡念民田都俞上下間
勸戒猶拳拳至哉聖人心永為金石堅愷悌神所
勞申錫壽萬年願賡周雅詩今古同流傳

燕子

華屋年來事已非歸來新燕政依依茅簷可是今
無恙傍向前樓故故飛

忠州慶延樓詩韻

忠州形勝擅名區景物紛紛滿座隅登眺可無王

粲賦江山渾作郭熙圖東風輕燕差池舞西日幽
禽自在呼宦路馳驅空白髮田園回首已將蕪

到村家二首

郭外村家近公餘訪到頻桑麻唯有地芋粟未全
貧生理從奴僕慙慙愧族親早年湖海興衰病重
傷神

江皋雨初霽日晚驢倒騎翳翳桑陰道澄澄水滿
陂遠山橫似障新月曲如眉萬事艱危後歸來此
不知

與諸友遊清涼洞日暮乃還

忽尋清涼洞溪邊將暮春春風翻浪花處處生龍
鱗白沙鋪似氈大石平如盤列坐飛羽觴赤足凌

潺湲日暮鳥聲樂賓客各盡懽醕酌醉扶歸放歌
天地開

奉酬諸僚詩

珥筆多時近御帷功名努力少年時致君無術顏
先赧與世多違鬢欲絲大度乾坤容納納長途歲
月去垂垂春風昨夜還家夢挂笏看山計亦宜

林和靖放鶴圖

欲訪西湖處士家梅花淡淡竹枝斜籠中有鶴須
開放已道山中客到多

王世子冊封後宴羣臣詩

曆數咨舜後謳歌之啓時邦家開盛禮宗社定丕
基拜舞羣工喜懽呼萬壽危元良能作貳朝野仰

重維

奉賀尹同年之望拜承旨子雲

功名已信笑談間萬口青雲脚底看咫尺銀臺依
日月始終鐵券誓河山常司天上龍喉舌驚見人
間鳳羽翰同榜故人空短拙通來猶自獨彈冠

日本僧海雲詩卷

雲也生海上試問閑不閑孤蹤自無繫萬里時往
還何為出海來斂之棲中山動靜皆自得庶幾能
反觀

李二相挽詞

黑頭真宰相勳業照簪紳物議歸台鼎仙遊屬已
辰麟閣聲名在龜碑歲月新皇天胡不憖為國涕

霑巾

述懷示春坊同寮

百年如宰爾兩鬢已成斑
世事曾嘗膽交情欲吐
肝功名休望蜀風味在歸盤
十載吹竽日多慙侍
從班

題瀑布圖

數峯擎出玉芙蓉一道清泉瀉玉虹
指點着着吟
不盡不知身在畫圖中

題春竹圖

春風識面碧琅玕生長兒孫錦箨斑
辜負十年歸
去興畫中時愧見檀欒

送丘同年從直之任次金司成韻

紫宸殿下榜黃金一日題名契已深
郡綬君今酬
素志儒冠吾已負初心官橋兩霽馬初躍驛樹秋
高蟬亂吟且盡陽關一盃酒人生難得遇知音

洪府尹挽詞

早繼南陽緒優承北闕恩聲名傳藉甚風彩霽孤
騫烏臺霜已肅藥省草先焚沙道思前尹甘棠憶
舊人已矣驚長夢俄然掩古原白眉叨契友題挽
倍傷魂

送金上舍之驪江五首

公子魁梧氣出羣妙齡蓬榜策高勲五車磊落膏
中載三峽崩騰筆下奔誰知紈綺風流少已信充
銅古道存出處君今還自斷可能於世逐囂紛

生平自許故人期，志節堂堂頗自奇。軒冕倘來非
我事，田園將去復奚疑。一區揚子餘何望，二頃蘇
君悔已遲。孤棹秋風驪水濶，琴書有意苦招攜。
多君今復富，春秋養志居閑道。亦優已有聲名喜
追逐，肯將才術久淹留。碧松黃菊今時事，白笏紅
袍後日謀。珍重少年當自惜，男兒功業豈悠悠。
十載馳驅兩鬢華，黃塵滿帽霜滿靴。故園歸思濃
於酒末路，人情薄似紗。蹭蹬功名聊復爾，爾侵尋歲
月欲如何。分明昨夜江湖夢，偃蹇青山白鳥波。
驪江新漲碧葡萄，少日風流有小舸。李白寺中三
日醉，元龍樓上百層豪。斗升何者身長絆，魚鳥依
然夢獨勞。何日尋君亦歸去，一盃同舉斫雙鰲。

姜景愚畫十二圖中相宅所藏

洞庭秋月

長林隱映欲棲鴉，十二峯頭月似波。夜靜倚樓無
限思，一聲柔櫓隔蘆花。

春日看碑

少年山寺讀書時，古碣摩挲幼婦辭。忽見畫圖疑
是夢，滿山花鳥故依依。

風雨山郭

十載東華踏軟紅，江湖歸思墮空濛。畫中忽見詩
家景，多少樓臺烟雨中。

深山友鹿

君家杳在白雲林，相對青山偃蹇心。道在何妨友

麋鹿入山猶恐不深深

秋社醉散

社甕初嘗綠潑醅鷄豚同里笑談開日斜醕酌皆
扶醉驢背如舩穩跨回

秋郊落日

秋空渺渺鴈飛涵黃犢陂前水似盞日暮孤舟何
處客西風歸興滿江南

日暮捕魚

綠漲春江水幾篙漁郎隨意泛輕舩畫中起我江
東興縮頸細鱗夢獨勞

彈琴舞鶴

月林衣露一張琴流水高山太古心縞袂玄裳何

處客婆娑終日是知音

張帆出海

遠岫浮空微色搖商帆初飽海生潮憑君問訊江
南事詩價何如物價高

歲暮新雪

白雪峯巒玉萬層興來傾蓋訪吾曾閉門僵卧何
如者客至從嗔喚不應

關山行旅晴窓賞梅

弊裘羸馬路羊腸客子驅馳有底忙幾日來從東
閣老巡簷索笑着梅香

柳陰看碁野渡爭舟

野渡春風不繫舩客來終日競爭先滔滔四海迷

津者誰見仙人爛柯年

送金耆伯崇老察訪忠清四首

磊落如君世不知青衫十載宦猶卑
鸞棲枳棘終非地鳳集梧桐自有時
壯歲功名宜激厲長途歲月幾奔馳
人生會合嗟無定惆悵年年作別詩
如吾短拙忝高班却恨竒才屈小官
刀筆何妨為將相詩書終不負衣冠
功名畢竟同鷄肋世事曾知似鼠肝
且向明時宜盡節會教名姓動朝端
昔年遊遍錦江南醉裡江山夢正酣
駟騎如飛君又去卯申空縛我何堪
風流公子烏紗帽歌舞佳人白紵衫
憶得郎官行樂處樓臺十里間
青嵐頭顫漸見白刁騷名宦於人亦自勞
老去恩情深

骨肉生來交道去皮毛風雲變態非吾事
天地迺疎是我曹若見瑞山煩寄語不堪西望首頻搔

臨津渡遇雨

馬羸東西日自斜秋風開盡木綿花
行行恰到臨津渡細雨孤帆發興多

送日本僧海雲五首

海雲何事出青山來本無心去自閑
不是孤蹤有南北長風吹送又吹還
碧眼高僧自日邦能容一口吸西江
相逢不覺呵可笑坐對青燈雪滿窓
茫茫海水接銀河瓶錫歸來月一查
也識春風多事在故山開遍小梅花

一環孤島近靈蓬寺在山中第幾重歷遍江湖還
入定坐看朝日浴初紅
回首東溟靜不波使船來往正如梭須知聖德無
遐邇萬里搏桑作一家

與諸友遊中山醉還

南溪飲馬立西日敲鐙來白酒村村有黃花寺寺
開文遊非寂寞笑語半詼諧樂地皆名教休辭酪
酏回

自詠

虛名十載誤儒冠身世伶俜到骨寒篋有詩書憐
我瘦樽無餘醕嘆妻慳古風不見菖蒲歎明日相
看首蒼盤病後知心唯竹杖又乘微雨過蘇端

蔡子休家文與可墨竹

生平好古苦無多爭奈前年病骨何一見降心文
與可前身我是老東坡

金文良韓子頌任子深校讎藝苑文良戲作
一律示座上諸君子依韻奉酬六首

殿閣南薰午送涼日長宮漏響丁當多慚章句歸
東漢賴有詩篇學盛唐龜範馬圖非造次烏飛兔
走也閑忙明明萬里心中易會必經綸報我皇
石渠讎校可風涼文墨虛名我謬當函丈樞衣師
闕里茅茨揖讓想虞唐諫院自慙焚草早鑿坡曾
愧斷窓忙不知誰是絲綸手黼黻終教衮我皇
鳳闕鐘聲曙色涼花迎劍佩響郎當詎舒對策何

慙漢賈杜詩聯或似唐註脚朝修催草急詞頭夜
下攬衣忙不才久忝金閨籍珥筆多時近玉皇
承之薇垣煥已涼疎才妙選豈相當賀詩慶曆何
慙宋譏論陽城可愧唐青席叨承君寵極自囊宜
復上書忙朝回滿袖香烟動咫尺重瞳覩聖皇
斯文已矣久淒涼榜眼聲名孰敢當筆或八神應
繼晉詩如得意酷追唐自衫白髮功名晚黃卷青
篇歲月忙袞職吾何一字補自慙身世際軒皇
炎蒸曾不借微涼醉睡昏昏不可當須數青衫窮
杜甫休慙白髮老馮唐風流雲往無窮事暮鼓朝
鐘有底忙一線清風吐窓下或時閑味到羲皇
金文良有巫山雲雨之興用前韻以戲二首

銀燭高烧畫閣涼歌喉初轉舞郎當輕盈羨女能
傳越落魄詩人獨擅唐此日此時真可惜行雲行
雨為誰忙堪嗟未遂鴛鴦夢端為先生叩玉皇
相思脉脉又新涼紙薄目緣詎可當不是東家迷
下蔡如何南楚枉高唐紅桃寄恨情無奈青鳥傳
書去不忙孤枕通宵渾不寐東窓斗覺曙星皇

又用前韻四首

人皆炎熱我淒涼拙宦知非與世當杜甫一生希
稷卨退之四海擬虞唐詩書早約青燈苦歲月相
尋白髮忙鈿槩小臣何事業聖明今復軼三皇
身世休嫌獨踽涼知音幸與子相當乾坤大度容
擗散兄弟深情比棣唐樽酒十年俱老大功名一

世亦莽忙紅牌同日承恩重萬壽南山祝我皇
南風細細一樓涼半頂烏紗足快當烏几一憑今
與古牙籤萬軸漢無唐日長禁樹鶯啼滑雨歇宮
墻燕語忙碌碌功名空白首醉鄉渾欲訪羲皇
紛紛叔季德何涼劉項元來勢莫當文獻足徵存
杞宋典謀可法有虞唐孫曹戰伐山河裂劉馬干
戈霹靂忙唐宋區區何足說聖朝今復邁三皇
讀東坡用集中韻與李胤保同賦
欲為眉山酹一樽詞源萬丈倒橫奔謾將調笑干
時策又被揄挪過鬼門赤壁風流聊自適黃州山
水不堪論東坡晚歲田園興蘿蔔生兕芥有孫
曉起

坐擁綿裘劫曉寒五更風雪正闌干病妻驚見阿
郎瘦末路功名抵死難

送人辭官還鄉

風塵滿面吾騎馬山水縈情子拂衣今日祖筵相
別處疏金陶酒兩暉暉

獨坐

身世飄然似轉蓬餘閑聊寄小窓中相如多病長
年渴杜甫吟詩一世窮梅子昏昏江杜雨榴花淡
淡日西風焚香坐讀陶詩了穩酌三盃面小紅

題石牛卷

自從點頭來不須牽鼻去上人坐觀空默默獨無
語

送陳翰林鑒奉使還京

龍飛天子改元年專對才難屬俊賢高價寧居廢
有後雄談當在陸生前錦袍仗節辭金闕綵筆題
詩落錦牋使罷還朝應荷寵有何臺閣不周旋

送高太常問奉使還朝

一札天頒下紫闈太常持節錦袍輝遠遊試壯凌
雲氣半醉頻題吐鳳詞博望在求拘醬去陸生安
用越金歸古來奉使知多少高義如君見亦稀

送日本僧盛孫

乾坤行處即為家訪道三韓不憚賒脩證不如參
證妙卧遊何似遠遊多春回古寺梅千樹雲盡長
湏月一查送別城東無限思烟波渺渺隔天涯

次韻方斯文文仲見寄五首

才氣如君擅斗南可憐白髮尚青衫方知窮達皆
由命可信功名自立談耆舊斯文人物在蜚騰晚
節歲時淹如余僥倖防賢路數載薇垣面可慙
造物乘除理自然古來賢達亦堪憐坡仙風月黃
州後吏部文章潮海邊更見溟鵬搏九萬曾知櫪
驥志三千浮沉往事渾如夢回首功名四十年
男兒慷慨少年時志節堂堂頗自奇漢殿幾書方
朔牘夜郎曾詠翰林詩乾坤納納知音少身世悠
悠行路遲豪氣看君曾不減更知吾道不磷緇
虹霓肝膽吐崢嶸和氣春風四座傾已有文章追
大雅宜教姓字占時名數奇李廣封雖晚時遇平

津道可行自幸龍門叨半面詩壇終欲軟銅盟
烏靴紗帽走奔忙塵土東華萬丈長有意文章追
賈馬無心富貴托金張山林晚興濃於粥門戶張
羅冷似霜賴有斯文容我拙一生詩酒自顛狂

再和五首

功名早歲已圖南白首蹉跎一皂衫不為乖時違
壯志欣逢驚座縱雄談上書壯闕詩人去卜筭東
溪野老淹聖代登庸公論在歲寒高節復何慙
重瞻黼袞夢依然蹭蹬中年事可憐萬里青雲霄
漢上數莖白雪鬢鬚邊翰林自愛杯三百吏部曾
驚路八千骨肉斯文知已在從今交契可忘年
慷慨昂藏此一時乾坤人物大奇奇傷時賈傅頻

流涕去國宗元不廢詩樽酒可供千日醉功名自
信十年遲丁寧不負釣鰲志海上長竿一巨緇
掀髯豪氣聳崢嶸人物風流一代傾官冷鄭虔嗟
已老才高度信早聞名人生榮辱邯鄲夢宦路艱
危蜀道行自古交情分淡利從君可是結深盟
暮鼓朝鍾有底忙青雲去去道途長生前遣典詩
千首身後流芳紙半張九轉鍊丹終可熟十年磨
劍自生霜英雄今古無窮事只哂狂夫老更狂

三和五首

轉蓬踪跡走東南長醉淋漓酒半衫白日聽鷄醒
小睡青山捫虱可清談松菊終然歸靖節文章無
復夢江淹早年立志堂堂在俯仰乾坤不小慙

世態交情百不然，竒姿冷語復誰憐。書生汨沒詩
篇裡，豪傑交遊意氣邊。座上佳人皆二八，門前食
客自三千。嗟予早被儒冠誤，碌碌無成少壯年。
生平迂腐已違時，苦乏英雄骨相竒。董子天人還
有策，少陵忠義可無詩。功名知足何須早，富貴到
頭不限遲。何日盡消塵世事，小窓跌坐學高緇。
漠漠風塵歲月，矻矻芳樽宜。復日相傾蒼黃百歲眼，
前事寂寞千秋身後名。不用虛聲高士傳，空餘春
興麗人行。何時一艇江南月，浩蕩相尋白鳥盟。
卯申空腹走忙忙，白髮居然萬丈長。自哂有才空
濶落，可能於事極鋪張。驅馳馬骨空塵土，零落狐
裘煖雪霜。百世狂歌痛飲裡，斷無人似我麤狂。

在諫院封章後書示崔獻納泥老

蕩蕩天門言路開，薇垣論事疾於雷。夾道朱衣呼
避馬，皂囊今又上封來。

次吳監察詩韻永孝時辭官在家三首

西鄰居士宅東里，諫官扉幾度相尋。去扶驢大醉

歸

風塵空撲面，貧病已纏身。怕照青銅鏡，悠悠又一

春

魚龍思洞壑，鳥雀戀深林。十載歸田興，時還愧此
心。

再和三首

紅塵高萬丈，白日掩雙扉。落魄誰家子，尋常倒載

歸

白髮休憐老青雲可致身慙慙一斗酒自可慰新

春

愛酒陶元亮能詩李翰林淒涼今世事寂寞古人

心

三和三首

多慚通紫闥無興到黃扉身世猶如此田園可賦

歸

功名何補世文墨可箴身世味如鹽水知心麴米

春

行箴迷出處朝市隔山林會必投簪去備然遣世

心

四首言三

四和三首

碧草黃牛壠青山白板扉吾廬何處是敲鐙日斜

歸

黃金能換骨白日可輕身擬訪桃源去烟霞自在

春

踈星穿草屋纖月落風林更約清宵會琴樽話舊

心

盧子胖拜正言詩以為戲

當時有論陽司諫今日能詩杜拾遺自是聖朝無

事在春風醉倒外何知

與子胖設席以待顧叟仍賦一絕戲之

歐陽休笑范司諫韓愈欣逢李拾遺却擬同時岑

四首言三

五

補闕何人解賦四賢詩

懿敬王世子挽章

一索初居震重明已繼高謳歌之夏日羽翼佐漢
時既法三朝孝方承百世基何如辭二極天地總
啣悲

禹想家傳啓堯瞻類高人心歸主器天意屬承
祧駕鶴無還日聞鷄那復朝兩宮嗟喪七哀淚遍
臣寮

春闈曾侍讀何幸近前星忍作昭明誅空聞子晉
笙悲風吹縞仗落日照丹旌極目青山路攀呼倍
愴情

密陽德民亭次權吉昌詩韻五首

野濶天低掌樣平春江一面鴨頭明烟濃錦繡花
千樹雨洗琅玕竹幾莖玄鳥慣迎飛絮落白鷗閑
送去舟橫古今芳草晴川恨不必黃樓獨擅名

右春

層巔勢壓大堤平簾捲青山活畫明函蓄風微擊
簷蓋菴蒲水足長新莖洲環列樹無天去峽東澄
江剡地橫樽酒未窮登覽興不知身外更何名

右夏

蕭瑟川原草樹平樓臺紅碧間分明雨聲先傍三
湘葉秋色長留九畹莖水減南灘魚欲下雲深北
嶺鴈初橫從來宋玉悲搖落官興羈愁未易名

右秋

長空淄淄凍雲平十里江皋霽雪明人世亦能迷
玉界神仙不必要金莖松風萬壑寒聲壯梅月千
林瘦影橫如此江山可歸去青衫烏帽愧功名

右冬

形骸放浪自生平痛飲狂歌擬四明醉認眼花空
落井愁看鬢雪欲添莖青蛾皓齒佳人會錦纜牙
檣勝日橫南國繁華應第一還慚落魄汚時名

題司諫院畫二首

藥省郎官鐵石肝一生羞作富貴顏當時畫史何
如者不畫梅花畫牡丹

右牡丹

自將馨德沐蘭湯羣卉紛紛讓國香且問風流誰
作伴紫薇花下紫薇郎

右芍藥

次韻方斯文見寄二首

恠君青衫雙鬢雪宣室承恩又前席紛紛今古利
名窟一榮一辱迥相隔君昔早賦長揚獵脚底青
雲萬里跡江山何處非菟裘帝一屈君深竒遊或
從李廣射猛虎或從上蔡逐狡兔蘭舟泛泛橫中
坻醉則陶劉醒隨夷一朝徵鶴侍君面晚歲功名
疾飛箭君不見杜陵杯歿潛悲酸十年馬骨高於
山當時蹭蹬何足論萬古功名不可刪

春陰漠漠釀寒雪一片二片飛入席水晶為臺雲
母窟銀河一帶瑤宇隔紙窓風敲鳴獵獵擁衾獨
坐無人跡我有千金鷄鷄裘為君沽酒恣歡遊功
名萬古一畫虎歲月荏苒烏與兔安得滿眼如渾

四律詩集五
域悲懽得喪付希夷聞說大藥駐童面神仙何處
多砂箭東華塵土鼻孔酸直欲布機尋青山此興
爛熳誰能刪

又用前韻二首

芸閣先生頭似雪騎省郎官叨侍席高談雄辯探
妙窟道同不愁肝膽隔詩壇筆陣幾同獵令我袖
手仍斂跡君不見直鈞渭濱一羊裘時來崛起廊
廟遊先生晚年際風虎功名隨手盧搏兔斯文獨
立屹如坻風流文彩超茅夷我昔聞名今見面瑞
世不獨東南箭中間榮辱紛甘酸所失毫芒得泰
山慷慨高歌為君舞顛詩冷語無人刪
羨人容顏皎如雪蘭姿惠質心匪席郎君家住神

仙窟咫尺相思萬里隔洞房昨夜風雪獵雙魚無
書鴈無跡挑燈線作百結裘擔欲衣被公子遊思
君不見宛中坻一見令我心即夷我才白手搏猛
虎紛紛不數麀與兔那知老去復相面愛我不啻
金鏃箭許我百歲同甘酸郎君珍重如丘山一生
感激無由刪

崔直學灝元用前韻見寄復和

窓前一夜梅花雪春寒惻惻門掩席坐見天心探
月窟萬里明明豈容隔讀書安用事漁獵要求古
人心與跡君不見蘇季子遊談十年空樊棗又不
見張子房功成一朝從仙遊功名一世探虎穴富
貴百年待株兔茫茫宦海無涯坻醉鄉天地寬且

夷我獨何為塵撲面奔走役役如風箭嗚呼藥獨
苦芳梅獨酸下者為水高者山物理不齊何須刪

尹生莘德用前韻見寄復和

早年立志事螢雪豈可黔突與暖席一朝桂枝分
蟾窟蓬萊風月塵凡隔詩書餘習勤涉獵功名亦
同磨驢跡誰家少年狐白裘快馬日日長安遊意
氣稜稜懾熊虎俯視卿相如狸兔眼前珍寶積如
坻下比金谷上鷓夷風流不覺彫顏面頭上歲月
如飛箭人生莫作腐儒酸滿案破筆如丘山一生
鈿槩徒增刪

復用前韻寄房斯文

大華峯高四時雪輕雲片片亂如席荷開萬丈錦

繡窟青壁無路紅塵隔我欲凌風一飛獵目中鬚
鬚神仙跡青雲為裳白霓裘上下天地汗漫遊前
飛廉芳後白虎訪我月中搗藥兔乞得靈劑等如
坻顏似渥丹花辛夷光陰倏忽青銅面一去不還
猶徃箭安得洗我胸中酸舟我弱水車三山世情
俗氣終能刪

房校勘挽詞

正坐儒冠誤青衫白盡髯有才人共惜無命鬼應
嫌身世千年鶴功名六日蟾銘旌還故里回首恨
添添

鄭左相母氏挽詞

闕闕推名族衣冠仰德門柔嘉慈範美貞淑壺儀

尊稀寰年齡遠高堂福履繁
珈笄明鶴髮珠翟照魚軒
袍笏森諸子蟬貂列衆孫
更有台鼎貴剗播挂蘭芬
幾奉三牲養能傾一代恩
褒封增煥赫錫賚更駢蕃
椿樹青春好萱花白日溫
光華誰得並壽趾况俱存
處厥人間世俄奔月裡魂
芳傳彤史遠恨入縞儀
翻馬鬣封千載龍光賁九原
人皆稱幹蠱慶亦之垂昆
終始能如此哀榮不必言
相公門下客執紼淚紛紜

賀李平仲拜司憲執義

中丞官亦達風憲任難諧
遴選知公道蜚騰展大才
繡衣當皎日白簡疾飛雷
鳴陽應有鳳宵許諫官陪

端午

今年又端午此日即良辰
滿學唯菖酒當門有艾人
紆衣行處軟竹扉賜來新
欲進江心鏡吾今忝諫臣

金頤叟赴京多購書籍而來詩以為借無述

戲意四首

早年辛苦事三餘補袞今慙一字無
自笑四般癡不絕向人時復借看書
年來編簡數斯踈何用區區貯五車
老去頽神無物在情深黃妳不辜余
萬軸牙籤滿案堆何人能解鎖魚關
一鷓解辨君家送知有奇書得得來

書林牢落十年燈馳騁功夫我不能贏被傍人笑
空腹當時愛高讀何曾

移病

老去慵相伴閑中睡亦宜寮嗔移病數吏怪出官
遲愛竹時邀客巡花或得詩人生須適意此外復
何為

畫鷹二首

天地奇才意氣雄穿雲掣電瞥青空終然可合為
時用伐兔殲狐始見功
玉瓜金睛白雪姿有時刷盡羽毛奇若然萬里雲
霄意允鳥紛紛寧得知

訪尹察訪

禮卿

林亭設酌圍碁慙慙慰待大

醉而還明日吟成數絕錄寄四首

誰信休官樂居閑地轉幽風塵相隔絕山水可優
游一局碁消日三盃酒洗愁衣冠已隨意簪紱復
何求

酷愛林亭好公餘為一尋幽蹊斜出石暗水曲通
林山色明如畫松聲奏似琴聊將真面目相對細
論心

才大如君少胡然數復奇功名多得喪世事自成
虧道在何嗟屈時來不恨遲慙慙當自惜必有盛
名隨

夙有山林趣翻為利祿鞅十年空汨沒萬事復依
違白鳥盟猶在青山約未非從今吾自斷已草去

來歸

悶雨

自春無雨夏相仍
女魃憑凌爾可憎
天地為爐烘似火
田原無髮禿如僧
蝨蝗得勢能為患
蜥蜴踈才不足憑
安得銀潢雙手挽
人間萬里洗炎蒸

立秋

雙環跳日月一葉墮
梧桐暑退踈簾雨
涼生半簾風歸心
隨去燕幽夢惱寒
蛩欲識愁多少
詩班曉鏡中

雨中移病獨坐有懷二首

續續經時雨寥寥掩
弊廬生涯一枝杖
歲月五車書泥滑
愁騎馬江深欲釣
魚經過無好客
漸覺世

踈

茅穿少陵屋草擁
孔明廬謾有思歸
賦曾無乞退書行
巖愧鷗鳥塊夢入
鱸魚身世猶如此
致君術還踈

松京懷古

往事微茫夢半空
諸陵何處問英雄
江山自在烏啼裡
城郭依稀鶴語中
羅濟紛紛成統合
梁元歷歷管初終
可憐一片繁華地
秋樹年年霜葉紅

道峯山靈國寺

山下何年佛刹開
客來終日足徘徊
開窓雲氣排簷入
歌枕溪聲捲地來
古塔有層空白立
斷碑無字半青堆
殘年盡棄人間事
結社香山擬不回

秋江獨釣圖二首

尖新秋色著平林
渺渺江湖鴈影深
可是西風吹滿袖
一生閑却釣魚心
短艇輕竿八夢頻
平生魚鳥最情親
綠簑衣底玄真子
羞殺當年未去人

初秋三首

捲地西風又一秋
冰盤水筆思悠悠
園林寂靜蟬聲咽
簷幕淒涼燕夢愁
李白有懷空問月
仲宣何處獨登樓
一生自分詩書苦
矻矻窮年未暫休
忽忽羈懷易感秋
病餘身世轉悠悠
何時開運成三益
此日題詩擬四愁
歌枕蛩聲悲永夜
舉杯月色滿高樓
人生那得忘機者
未蓋棺前事不休

年來雙鬢已驚秋
世事蹉跎復繆悠
夢裡還家山色好
燈前對客雨聲愁
宦遊豈乏三間屋
豪氣猶餘百尺樓
今古幾人能出處
誓將林下便歸休

用贈鄭子文詩韻寄李主簿觀四首

斯文後輩喜繩繩
今見詩家杜少陵
勢壓八叉思愈健
才高七步氣尤增
軒昂子似雛鷄鶴
癡鈍吾如附驥蠅
百歲狂歌痛飲裡
安閑獨不愧高僧
宦情羈思薄於紗
瘦骨年來病漸加
子美有詩身泛梗
江淹無夢筆生花
半生零落唯鉉槩
壯歲蜚騰愧齷牙
萬事一心渾不管
小窓長日學趺跏
明時衮職愧難諧
每日長安盡醉回
處世不知二宜去
逢人自說三不開
光陰過眼垂垂盡
悲樂關

四言言集五
二十六
心續續來點檢生涯時獨笑一樽濁酒興悠哉
靜裡功夫課菜畦有時編簡費提携詩成或惡礙
無客計拙何營諫有妻世事對門曾嚼肉人心懲
熱復吹蠶石田茅屋餘年興賤告天公首屢稽

復用前韻寄子文四首

世事紛紛亂似繩宜瓜何地是東陵生前杜志貧
無負醉裡風情老益增身世久拚盤白鳥功名宜
鑑止青蠅蒲團終日焚香坐只有頭鬢不是僧
小風吹動透窓紗惻惻幽懷老轉加折簡西鄰來
賞月扶筇址里倩看花但知白酒輸肝膽不使黃
金掛齒牙何日盡拋浮世事鬢絲禪榻伴僧跏
踈狂野態語詼諧奔走紅塵日幾回早世回詩處

譽過殘年仗酒好懷開田園有約終須去軒冕無
心是儻來世事擾膠難抖擻醉鄉風月亦佳哉
人心末路盡町畦初度吾今在攝提三運候門憐
稚子一官持祿慰貧妻杜陵十載京華灸韓愈三
年大學蠶自顧致君無好術賡歌明復想臯稽

李主簿見和復次韻八首

光陰流轉似環繩晚節悠悠憶武陵病骨自深閑
愈驗世緣終淺老尤增一生可笑處裙虱百歲真
同攢紙蠅經叵茶鐺成獨坐前身我是小乘僧
秋風昨夜入櫳紗斗覺新愁一倍加明鏡已能添
白鬢濁醪應不負黃花曾知世態勞顏面那復庸
談置頰牙羨殺山僧無管事動時行脚靜時跏

大雅寥寥久不諧，狂瀾既倒挽難回。文材依舊吾
何取，詩運如今子復開。徐穉家聲嗟已負，翰林豪
氣尚傳來。相逢衮衮論談地，膽裡虹霓亦壯哉。
今年好雨足，蔬畦有興壺樽日。可提刀筆不堪為，
俗吏糟糠猶復對。微妻薄相曾知非，食肉枯腸但
喜得撐蓋。一生行止吾能斷，握粟何人強卜稽。
世故紛如擾似繩，危能為谷谷為陵。虞卿著述功
名薄，賈傅傷時慷慨增。可是臨池騎瞎馬，不須拔
劍逐飛蠅。困眠飢粥三生事，自信翛然有髮僧。
人生薄薄正如紗，不必如今轆軻加。歲月漸看頭
上雪，風光時眩眼中花。光焰百年無李杜，峩洋千
載有期牙。紅塵蒿目成何事，掃地焚香擬結跏。

萬事吾今嘆不諧，故人寂寞首重回。何時神武冠
能掛，晚歲香山社欲開。李白一盃人影月，淵明三
逕去歸來。綠綉金鑲少年夢，料理殘年已矣哉。
未息機心愧漢畦，年來世事耳頻提。登山安石宜
攜妓，隱几維摩亦喜妻。日糶大倉唯有米，時消殘
醉可無蓋。浮沉百歲真如此，合與鷓鴣共滑稽。

題山水圖

一林平林黯淡間，不知何處是吾盤。十年茅屋滄
洲趣，移得生綃半幅看。

送尹同庚之任宜寧子滌

為縣人稱屈，思親子獨歸。酸寒溧陽尉，文彩老萊
衣。盤錯才應試，平反奉不違。他時人物論，忠孝兩

輝輝

南方庚運在伏節四人歸迢遞江山隔淒涼信字
稀中年交契少末路世情非又送君歸去翻身恨
不飛
同年俱髮白遠別尚心丹身世吾樊鶴功名子枳
鸞還須勤遠大不必說艱難去去南州遠相思月
幾彎

夜坐書懷

小壁殘燈手自挑風吹短髮覺飄蕭鄒賢迂闊論
仁義漢吏循良弄筆刀自笑功名生馬角堪誇書
史滿牛腰物情料理終難得時有幽懷酒可澆
病中述懷寄任子深六首

退之已有陽城論石介曾無慶曆詩二載妨賢能
不愧吹竽祇足取人譏

白髮青衫杜拾遺生平苦之諫諍姿堪笑徒然希
稷卨區區忠義許誰知

鈞槩久拚為事業鹽齏自分度晨昏頭顱四十猶
如此萬事從教醉一醺

騎馬棲鷄退食遲尋梧埤竹謾題詩一生羸彼傍
人笑冷炎殘杯自不知

去年紅藥看初艷今歲黃花又向開兩度西風吹
滿帽悠悠身世只猶杯

韓愈送窮窮不去宗元乞巧巧無成十年辜負青
山約還有簪袍誤半生

奉鄭子文拜持平

朝廷公論在烏府得賢良雅志堅如鐵清風凜似
霜多慙馬立仗應見鳳鳴陽門闕連臺諫蜚英自
有光

子文見和復次二首

倚任唯風憲登崇是俊良蒼蒼多府栢列列有臺
霜廊廟羅賢相朝廷集衆陽明時言路闢我多足
輝光
補衮才何有避賢計亦良胡然覩顏面倏爾閱星
霜聖代官為諫虛名姓是陽如君能稱職史策有
餘光

送都壯元還鄉榮墳

為送龍頭客還家衣錦榮義談喧故里寵渥貴先
瑩江山如有待草木共知名徽掖名尤重南人說
此行

尹察訪見和復次四首

知君丘壑趣早愛卜居幽昔日陶元亮今時馬少
游青衫能誤物白髮自知愁樂地皆名教外身道
不求

慣識巖前路寧容俗客尋無心雲出岫有意鳥知
林雅興山當戶高情月滿琴紅塵迷咫尺誰解適
時心

為說閑居樂山中事事奇巖花自開落簷月幾盈
虧深樹鳴蟬急長天去鳥遲交遊吾輩在有趣數

相隨

仕止君能斷功名我不轍人情因物改世事與心
違白日自朝暮青山無是非行當問田舍甘與子
同歸

九月六日寄朴同年允儉

人間歲月走環絙世事蹉跎料不曾醉倒諫官狂
似鬼醒吟謫客寂如僧白酒香時黃菊好青山高
處碧雲層龍巒當日風流在落帽何妨共一登

將赴常參早起小坐

宵肝逢明主周旋有小臣鄰鷄初報響山月已生
輪盥櫛離塵垢衣冠儼鬼神挑燈成小坐五鼓更
催人

九月初八日

西鄰寂寞病居士東里踈狂老諫官兩地閑忙誰
所使邇來三月不成懽

甕頭綠酒今應熟籬下黃花已半開為報重陽明
日是登高何處醉扶回

杜牧攜壺曾酌酊孟嘉落帽亦風流百年正值升
平日休負良辰取次遊

醉後與少年圍碁有作

酒腸蘇老後碁品半山中自笑吾何者於才百不
工

書懷錄奉申知諫同年自繩

早歲功夫萬卷書中年所得竟何如文章賈董才

非敵功業夔臯術亦踈九日黃花應待我二年紅
藥酷欺余丁寧更報登高約一醉終教百事虛

九日早起書懷戲贈鄭子文持平四首

歲月跳丸瞥眼過每逢佳節可如何今朝已有登
高興笑折黃花挿帽紗

栢臺深處凜飛霜冰雪情懷鐵石腸莫笑南鄰老
司諫龍山落帽作重陽

牧之塵世須開口杜甫傍人為整冠怪底清風賢
御史詩成無暇酒盃乾

蓬鬢已添今日白菊花猶發去年黃詩豪不要題
饒字刺作樽前逞酒狂

登高次杜牧詩韻

剗地西風霜葉飛雨餘山翠空霏微黃花無數樂
無盡綠酒不空人不歸古往今來有此日狂歌醉
舞悲短暉座中落帽者誰子宿酒未醒痕滿衣

十日菊

昨日簪頭尚不羞今朝杯面喜先浮何曾一夜秋
香減蜂蝶紛紛枉自愁

喜人送酒蟹

黃菊東籬自在開鄰家解送白衣來何須更覓錢
州鶴左手持螯右手杯

中知院見和復次四首

明明稀上自囊書歲月悠悠浪自如語不識時徒
齟齬才非適用輒生踈我慙物議歸陽范君有聲

名繼蔡余已矣妨賢能不愧天應有鑑語非虛
里閑相從有簡書由來同榜弟兄如慙慙自信襟
懷豁放蕩從教禮數踈事業箕裘還有子功名鉉
槩獨慙余區區文字終何用不學相如賦子虛
一生身世付詩書官事兒癡百不如高步青雲皆
雋傑空談白首大迂踈俸錢碌碌何能我俗事紛
紛莫聒余記得江南昨夜夢輕舟短棹水澄虛
窮老虞卿擬著書殘年多病馬相如功名無復希
三傑行止終然慕二疎松竹依依能起我江山渺
渺更愁余世間何事安心藥畢竟榮枯也是虛

賀趙年兄秋榮親宴二首

高堂八旬慶仙桂再番香吐闕承恩渥南山獻壽

觴清秋瑤席好白晝錦衣光孝理仍文化聲名動
一鄉

臚唱簾前日恩榮共一時君歌白華什我詠蓼莪
詩佳氣江山動華筵日月遲未能參賀列遙祝壽
期頤

次韻文良見寄

多慚白髮非前日頻報黃扉到故人滿帽菊花一
樽月唯餘佳興自津津
人騎虎背豈寧居二載踈狂諫大夫羸被傍人笑
拍手殘盃日日醉陶如

次韻金翰林

斯文豪傑見祥麟骨法堂堂瑞世珍地密尋常依

日月天臨咫尺近星辰翰林氣緊凌雲漢柱史聲
名動鬼神二十年前同榜客青雲知己豈無人
功名一代畫麒麟捨是夔龍廊廟珍自幸踈才逢
盛際曾無才效答明辰玉堂人物多如織金匱文
章妙八神賴有諸君容我拙狂言屢發或驚人

賀柳允謙擢進士生負兩科

聲名兩榜一朝高便覺文章有鳳毛且問何人能
具眼當時學士九方臯

憶昔摳衣泰老門興家最識白眉存當時我輩情
鍾極今日蜚騰喜見君

當時塔上共題名人物彬彬到列卿二十一年渾
似夢我為學士自門生

臚傳金殿九門開二百新來走馬回擬向君家開
慶席春風學士玉山頽

辛酉三榜壯元李中樞石亨率三榜獻壽于

息門止齋大夫人李氏年踰七袞康強無恙

有子若貧成擊承旨擊中樞攀護軍摩司僕

擊皆一時勲臣功名煥赫玉筍蘭蓀交映庭

除真一時盛事居正叨承末席不勝忭賀奉

呈拙詩三首

當時止老提衡日桃李爭榮滿國春依舊情鍾三
榜在一時獻壽大夫人

滿眼門生皆玉筍一時諸子盡金貂欲將盛事傳
千載七袞高堂百福高

天街小雨潤如膏
紅杏花開碧柳綠
自幸葭莩參勝會
一時盛事盡難消

次韻日休見寄三首

金鴨燒香半掩門
短屏孤枕欲黃昏
行雲斷處暮天碧
急雨時來池水渾
明月南樓邀我興
清風北牖亦君恩
邇來多病交遊冷
却怪人情變態紛
龔牖前頭筆作門
鹽齏聊可度晨昏
眼因病久花曾翳
頭為吟安雪欲渾
直以踈狂招物議
擬將衰朽答君恩
平生所得唯編簡
猶嘆如今白首紛
紅槿花開柳映門
黃梅時節雨昏昏
納涼最愛烏紗薄
取醉休論白酒渾
經術小臣無好策
文明聖代荷深恩
十年辜負青山約
釣艇漁竿入夢紛

再和日首

三伏炎蒸為杜門
凄涼客榻已塵昏
黃梅小樹風亞
紅藕方塘得雨渾
覓酒東鄰偏感德
寄詩北郭欲酬恩
小窓無事支頤坐
滿眼羣飛燕雀紛
不曾騎馬傍人門
怕見紅塵萬丈昏
酒壓愁城能頓挫
詩隨筆陣正奔渾
慈親酷負三牲養
男子須酬一飯恩
淨几明窓成獨坐
小爐香縷裊紛紛
功業無心樹棘門
十年編簡眼昏昏
唐虞世道思熙皞
典誥文章盡噩渾
日月光華分大曜
乾坤造化布深恩
丈夫立志非溫飽
千古何人善解紛
蕭條身世似柴門
跌坐蒲團畫睡昏
壯歲高歌空慷慨
有時微醉得全渾
十年虜負東山興
一日何

忘社闕息深院日長無客到滿庭風雨亂紛紛

三和八首

妙齡交分忝龍門白首如今兩眼昏詩酒百年吾
跌蕩文章一代子雄渾投膠幸托生前契結草相
酬死後息莫數長安輕薄子翻雲覆雨苦紛紛
懶慢無堪不出門悵悵小雨一燈昏髯踈百首詩
能斷腸淺三杯酒已渾擢按謬蒙明主識吹噓更
仗故人恩半生又被簪袍誤身世何由脫俗紛
綠陰啼鳥畫闌門紗帽煎茶洗睡昏世事有時書
咄咄文章何日復渾渾徒聞荊璞能招禍未信隋
珠可報恩自信此生迷出處鱸魚尊菜夢紛紛
名利爭趨似市門長安車騎沒塵昏人情本自有

深淺世道從來多散渾義士漆身能報德男兒刎
頭不辜息世間安得如灑酒盡醉都忘萬事紛
寂寂幽居閉閤門半簷新月耿黃昏病餘倍認詩
情澁老去深知道眼渾十口全生因厚祿一身踰
分謝天恩家空四壁無餘物只有青編左右紛
日長無客到柴門觀物悠悠送旭昏自古鷓鴣殊
大小由來涇渭異清渾何人必報睚眦惡薄俗能
忘骨肉恩回首英韶今寂寞不堪蛙黽聒紛紛
有時驚夢客敲門相對談碁洗眼昏滿意盤青園
采嫩盡情樽白市醪渾薰風一陣披襟樂小雨新
涼到骨息直待夜深扶醉去帽簷花影月紛紛
腐儒無策立軍門弓馬才疎氣力昏社伐威名推

去病南征籌畫數王渾一時奇遇風雲會絕代洪
私雨露息獨坐空懷今古事英雄過眼幾紛紛

次韻日休見寄三首

平生性癖愛吾廬閉閣焚香淨掃除陶令但知樽
有酒馮郎空嘆出無車病餘身世渾成夢老去文
章欲著書名利到頭徒自苦會須歸問鹿門居
惻惻幽懷掩小廬開簾草色滿庭除那堪白日侵
雙鬢只喜青編剩五車潘岳閑居曾有賦疏君乞
退可無書紅塵滿面青衫澁鬱鬱安能此久居
人間歲月似蘧廬豪氣如今覺漸除蘇晉有時齋
繡佛陶潛欲去命巾車病知有助三盃酒老漸無
功萬卷書四十行年堪一笑昨非今是自居居

再和六首

侍從多時直禁廬南宮今日忝新除雙龍闕下瞻
丹宸五色雲中望屬車自有虛名人所謗曾無寸
效史堪書嗟君又屈青雲路會見潭潭相府居
十載辛勤有屋廬囊錢朝滿夕能除歸來不用彈
長缺出八淮須借小車日有敲門僧問字時聞折
簡客憑書前身我是杜陵老懶性常思水竹居
優遊一世寄蝸廬豪氣崢嶸老不除今日立身慙
正笏他年乞骨擬懸車傷時賈傅空傳賦憂國誰
衡早上書聖代用人容短拙抽毫幾載近宸居
醉鄉天地卜吾廬此外紛紛萬事除著迷有時徒
醬甕功名從古似鹽車詩聯偶或追唐律措法何

曾逼晉書白首龍鍾空老大悠悠眠食費諸君
兩後編茅補毀廬一庭如掃草新除貧寒適意唯
衾粥富貴勞心是駟車白玉一盃燕市酒牙籤萬
軸藪侯書狂歌痛飲餘無管蕩蕩乾坤庇我居
綠樹輕陰幕草廬浮瓜沉李暑全除童奴課藥携
金鋪老婢繅絲轉雪車時復一中徐邈聖不須三
上退之書斯文骨肉唯吾輩日遶詩筒問起居

三和二首

光陰四十一茅廬淡蕩羈懷鬱不除擬學東山頻
蠟屐曾尋石徑愛停車山僧解送煎茶譜野老時
傳種樹書地僻終然輪鞅少長安亦有隱人居
十年歸夢繞田廬官興羈愁未易除世事回頭多

覆轍行裝屈指不盈車囊中已抄求仙訣肘後常
隨却老書莫說急流知退少青山何處不堪居

四佳詩集卷之五

四佳詩集卷之七

第六

詩類

鄉國

鄉國蒼茫外江湖鴈正飛胡為頓悵望總說不如
歸縮頸時堪釣圓膺也自肥還家猶未晚此興定
無遠

清晨

清晨小坐擁繡衾窻日暉暉淨客心歲月幾何詩
是史顏容如此酒宜箴防身只有杜陵劍垂橐曾
無陸賈金何日還鄉仍乞骨白鏡歸去斲人蓼
憶尹淡叟次贈別詩韻二首

早歲有交道中年多別離盛治麟方見斯文鳳未

衰道於唯子合人或莫予知渺渺相思夢空吟渭
北詩

何曾居鬱鬱今復飽奇遊汗漫初疑列支離竟似
周燕山雲萬里鴨水月千秋愧我多踈放馳驅死
可休

三秋

三秋一過半十夢九回家挑囊錢應盡探囊句已
多吟邊來細雨愁裏返昏鴉衮衮悲懽地功名奈
病何

次安南使梁鵠詩韻

萬國梯航日同時近耿光弟兄均四海談笑即吾
鄉已喜新知樂那堪別恨長他年南北思雲水正

茫茫

管城子贈梁奉使

中書老去禿難書揮洒時時態有餘萬古流傳毛
穎傳文章誰復擬瓊琚
曾中磊落五車書珠玉紛紛咳唾餘自是投章同
縞帶何曾報答望瓊琚

憶揚州村墅

佛岩山下豐壤西二頃荒田草屋低長夏討蓴同
稚子深秋拾栗共萊妻我愛綠醅兼白粲人言紫
蟹勝黃鷄今年此興還辜負九月他鄉思轉迷

絕句

踈蟬吟燕兩悠悠一種閑愁不自由聞說遼陽天

早雪風光應屬黑貂裘

燕市

燕市鱗鱗接畫樓誰家池館咽堇篔香凝翡翠簾
如霧雨洗鴛鴦瓦欲浮金鈿花冠真窈窕錦袍驟
馬儘風流帝城自古繁華地客子登臨正屬秋

憶洪應之次贈別韻

集賢學士皆神仙鸞翔鳳峙相後先狀元豪氣凌
雲霄風流文彩何翩翩曾中磊落書五車筆下縱
橫詩三千我昔承乏叨羣英豪談狂語時傾筵中
間萬事何茫茫雲翻雨覆今十年南馳北走雙足
繭頭上日月如奔川當時三疊謔已闕贈我錦綺
何明鮮袖裏為閱相思篇

殊方

殊方驚節物此興與誰同味入溪魚白香傳野棗
紅卯醒猶未醒午飯旋成空度日還如此能無愧
爾功

君子三首

君子貴立名立名當不朽吾聞汲黯韞仁義徒自
守彼哉公孫柔繞指顏亦厚此心空耿耿古人尚
可友

君子貴遠遊遠遊道可行孔聖昔轍環過化功乃
成吁嗟子子長歷覽酬平生我今不自知意氣空
崢嶸

君子貴知足知足身不辱天道有虧盈人胡不自

得滔滔乾沒間兩鬢倏已白千載一留侯從君學
辟穀

醉中詞

醉中詞醉中萬事如吾何先生拔劍一起舞肝膽
怒起生槎牙乾坤窄不履雙足日月瞥不容一目
或時落筆飛霹靂蛟龍新愁鬼神泣君不見英雄
萬古有姓字姓字未昏已朽骨人生何用徒輾軻
滄海為田烏亦白醉中詞醉中天地何熙熙我自
不知人寧知

醉中詞金書狀見和復走筆以酬是日與伴
送梁洪郭玉共酌大醉

醉中舞醉中詞我今詞舞君謂何峨洋渺渺絃斷

絕世間無復生期牙乾坤軒輊一舉足山嶽震盪
一轉目金樽綠漲葡萄醅清夜沉沉紅燭泣雖無
美人嬌如花滿座亦皆神仙骨我獨顛狂詞舞之
或時落帽雙鬢白君不見羲皇上世家雍熙那如
醉鄉憂樂都不知

九月初一日赴朝

紫陌天長鷄亂號五更鍾鼓動箴袍旌旗影射東
方白宮殿光搖北斗高金甕新頒千日酒玉盤爭
獻萬年桃聖皇當代追姚姒世世東蕃永服勞

霜風

霜風忽淒慄萬里行路難微裝置左右復悲遊子
頽丁寧問童僕告我衣裳單手持白紵衫換取黑

羊裘歸來喜浮面生理無復憂歸歟可歸歟何日
鳴飛駒

晨興

晨興盥櫛坐焚香身似孤僧髮獨長恠底世情猶
未了殷勤時復理行裝

浮世

浮世只如此光陰不可扳遠遊雙鬢白報國寸心
丹遼海千尋碧閭山萬丈蟠歸途森在眼終夜說
鄉閑

賜錢宴

畫閣沉沉霽景鮮中官承命壓華筵喜聞仙樂雲
邊下遮深杯座上傳萬國來朝霑雨露一時懽

樂動山川

時刺麻僧哈密不知身世今何在自擬

扶搖上九天

明日謝恩

初日曛曛靄九霄五雲宮闕鬱嵒崑簫韶合奏爐
烟細袞冕親臨黼座高萬國衣冠均蹈舞百年禮
樂播宣昭小臣屢被需天澤更祝皇齡配舜堯

發燕京

久矣思歸日居然發軔初秋山同我瘦霜樹與人
踈塞北空飛鴈遼東未有魚側身空悵望道里四
千餘

通州潞河驛

還按潞河館倍覺眼增明野馬欲迷市橋烏先出

城鳥啼深樹靜風定暮江平尚戀皇居壯回頭是
北京

潞河

城南城北漲車塵織織檣帆塞要津四海八荒同
入貢大平天子享千春

途中

望外依稀何處堤白沙高起與山齊行穿小路垂
楊岸聽得荒村正午鷄

愆夏店晚過三河縣

策馬經官道秋風吹客裳寒瓜綴村蔓小棗明驛
墻遠岫千層碧疎林一葉黃晚涼來渡水新月半
輪光

公樂驛早發

聽鷄孤館夜推枕攬衣忙館吏呼燈火家僮具酒
觴紙窓涵曉氣氈帽動秋光為問行早晚厨人語
政長

漁陽驛次韻

往事班班史可明漁陽過客獨傷情年年橋下東
流水應為前朝洗惡聲

次洪日休韻

何事唐皇誤祿兒分明野鹿竊花枝傷心籌筆驛
前路只有年年月似眉
力士由來一豎兒謫仙高調露凝枝沉香往事渾
如夢空見春風柳學眉

宿陽樊風雨交作

鬱鬱何曾老一丘歸來萬里思悠悠數竿紅日投
孤館幾處青帘颺小樓掃壁題詩聊戲劇對花斟
酒也風流晚來風雨知多少剪剪輕寒入弊裘

豐閏縣

遙看豐閏樹隱映露孤城野日荒荒去山雲淅淅
橫壠分黃犢影溪泛白鷗聲憶得歸時路荒橋剗
木行

遷安驛黑城子鋪

客館知何在看看樹老蒼轉渦迎馬沒矮柳觸人
僵紅豆霜餘熟青菘雨後香重陽明日是鄉思政
茫茫

七家嶺驛壁次洪日休李之安兩同年韻

西風薦地淡斜暉籬落誰家白板扉驅馬長途泥
政滑野痕都在木繇衣
客裏重陽又落暉郵亭寂寂掩雙扉悠然起得登
高興何處青帘可典衣

次金順叟詩韻

遠遊雙鬢雪刀騷聊復詩狂與酒豪生不慕名齊
李杜死當穿塚近劉陶西風弓健鳥飛疾落日帽
斜驢背高客裏怕逢重九節黃花應笑未登臯

灤河

迢遞三韓路蒼茫九月天關山掄樹外使節菊花
邊家嶺愁回馬灤河穩泛船極知身世事飄忽更

惓然

灤河驛逢重九

頭邊歲月疾如飛九月江南客未歸何處黃花開
一一滿溪紅葉故依依題詩藍澗懽如昨落帽龍
山計已遠直欲携壺登絕頂風光雖是故鄉非
永平府八景為驛丞曹整姪子作本十景曹
遺其二但

耳云八

孤竹清風

孤竹清風萬古秋紛紛天下幾經周首陽山下無
人到烟雨年年蔽子愁

碣石晴照

海門從古浪奔雷一帶黃河衮衮來我欲攀緣登

碣石俯看溟渤小於杯

龜谷藏春

莫言龜谷解藏春只見花時錦繡新四海即今明
似鏡世間那有避秦人

蓮塘避暑

何事時人獨愛蓮花開會見藕如船那知海上蟠
挑樹結子千年又萬年

灤江大渡

山高月小滿江秋桂棹蘭橈一泝舟若使有詩兼
有酒蘇仙不獨擅風流

江亭文會

地靈人傑盡儒仙雄辨高談動四筵舉目山河真

勝景清虛非是竹林賢

南山石虎

霧隱南山久矣蹲若使一嘯便風雲此間可是能
逃禍天下那無李將軍

都山積雪

蒲山飛雪玉峻嶒人在瑤瓊第幾層我亦青纏布
襪在從今直欲一來登

驛丞曹整設酌以慰

客中無所適不可負良辰主驛逢能吏開筵慰遠
賓謙恭皆禮貌珍重見天真厚意終難報如君更
可人

曹整求詩為題一首

永平城外是灤河晚棹孤舟發興多碣石至今傳
禹迹首陽終古耻周家北來南去人將老水遠山
長日自斜客裏正逢重九節典衣沽酒泛黃花

過儀院嶺

歸來儀院嶺細路更逶迤柳憶停驂處岩憐避雨
時初興祖暑嘆又作抄秋詩歲月如駒隙吾生亦
可悲

蘆峯驛

天涯驚節換驛裏又新晴窻瞥山禽影枕喧攪馬
聲病餘仍忌酒身外不須名欲劾詩題壁評論畏
後生

撫寧衛途中

蘆峯青隱隱楊水碧灣灣在蘆峯東南七八里未到昌黎縣
傳聞碣石山官橋楓葉亂野路菊花團薄暮催詩
雨蕭蕭入鬢斑

乘雨到榆關

蹇驢落日路迢迢紙帽新尖似屋高且問郵亭何
處是悄悄小雨暗前橋

夜吟

行行復行行又此到榆關去時方酷熱不虞衣裳
單風雨忽淒其我心增酸寒人生苦悲秋古說行
路難家山復以遠荏苒時序闌挑燈耿不眠長夜
何漫漫

山海衛遷安驛

萬里征鞍欲渡關曉鷄三叫尚盤桓天連滄海長
城斷地接黃茅疊嶺蟠吏為棄繻曾識面容今持
節又開顏西風熾爛重裘薄沽酒歸來強作懽

明朝欲出關車馬不到日已過午矣

滿庭高樹一層階獨倚繩牀日欲西寂寂小軒人
不到隔林唯有恠禽啼

出關晚過中衛所

秋風萬里客策馬關外歸落日衛山去行雲竝海
飛林鴉栖不定野鴨睡相依何處砧聲急吾今未
授衣

夜到高嶺

匹馬獨歸客無人何處村蕎花疑是雪海氣半為

雲日暮道途阻天長鴻鴈繁只憐今夜月馬首白
紛紛

瑞州 即前屯衛

近聞胡馬亂馳報接皇城塞上多傳箭關中已出
兵誰能草飛檄我欲請長纓聖主今神武狂奴不
足平

沙河驛

通宵高嶺月今日瑞州風物色村村異人心處處
同送迎煩驛吏來往愧衰翁只恨鄉音別華言學
未工

杏林衛

聞說黃雲亂塞沙丁男征戰事干戈村中小女渾

無管丫髻簪花學細哥

綠洲河

客愁處處不耳秋鴈挾秋聲到綠洲為問綠河深
幾許可容洗得客中愁

潼關

萬里空携一影歸異言無處話心思鏡中容貌昂
藏極醉後談論淡蕩為子美湖南詩最勝東坡嶺
外語尤奇平生不要驚人句信口吟成課日時

夜到曹莊

月色皎如畫行人發孤館仰看玉宇澄星辰何燦
爛俯瞰滄溟深茫茫無際岸上下同一色銀海接
銀漢吾生本跌蕩此事駭壯觀既不似莊鵬扶搖

博九萬欲學列禦寇馭風窮汗漫胡為空鬱鬱未
有雙飛翰

途中

宇內皆名士海東一腐儒行裝多草草書劍笑區
區野菊花全少霜林葉半無悠然發高興獵騎散
平蕪

寧遠衛道觀

城門來遞馬道觀立移時銀杏稚無子矮松蟠有
枝低頭禮古像負手讀新碑白叟從何處相逢語
不知是日有一人父子鬚眉皆皓白父年可八九
十但無譯官粗識六七十適相遇於道觀與語移時
望海

道出滄溟上行行豁兩眸氣雄包地盡勢壯與天
浮觀海難為水乘桴從我由聖賢今已遠終日思
悠悠

連山

驛樹依依那箇邊連山歸路直如絃北來歲月身
如寄東望鄉關眼欲穿老馬長鳴思古道飢鷲爭
噪集荒田何時軟脚龍灣月濁酒黃花盡醉眠

杏山

古說山名杏今吾跡是萍雲從何處去月似故鄉
明幾日平胡虜長年動甲兵試看腰有劍莫說是
書生

松山衛

又見松山近蹇驢脚不能一聲飛鴈過千里暮雲
層木落山全瘦風高水自澄有詩雖拙惡聊亦記
吾曾

凌河驛又次金文良任子深盧子胖金顛叟
詩韻

渺渺江湖楓樹胡北來南去事何成風塵騎馬連
三月閭闔趁朝想五更落葉正逢愁緒亂轉蓬仍
與客裝輕無詩可續諸賢後又跨征鞍赴晚程

小凌

雙袖龍鍾匹馬羸西風吹動滿江蘼臨溪却怕容
顏瘦半為思君半為詩

大凌

客裏恹恹不上樓夕陽獨立古江頭青山兩岸皆
紅樹碧水雙飛白鷗破帽蹇驢空復興宦情羈
思不直秋沉吟轉覺西風急滿目蘆花特地愁

十三山驛

郵亭物色揔依然一一蓮峯在眼前好在當時三
五月今宵又復十分圓

七月十五日宿此驛
歸來又九月十五日

閭陽

又到閭陽驛望望海嶠雲灸會長日冷席不整特
溫鴈外青山近鴉邊白雨昏詩成還忘却乘醉過
前村

廣寧道中

閭山萬古鬱蒼蒼廣寧九月飛清霜邊馬揔肥秋

草健邊人弓箭腰輝光由來此鎮號精強控禦東
北何堂堂何物胡兒雙眼碧年年敢爾為跳梁聖
皇中興自神武將軍六韜籌策良曾閉薄伐舉義
師復道繫頸來戎王吾生跌蕩真狂儒中年酷嗜
談孫吳三表五餌不足說勇欲為國平昆吾嗚呼
志大竟無成功名碌碌華髮生聖明天子要人才
會必樹立麟麒麟名

宿廣寧客館風雨大作

青燈牢落欲殘油破榻欹危一館幽不用遠遊人
有耳風聲交作兩聲愁

用蕭進士山海登樓詩韻

廣寧道中遇憲東丘生信宿同行間以進士蕭顯秋日登樓詩見示又求余見和

城樓一望思茫茫極目唯知隘八荒薊北青連山
勢壯遼西白接海門長騷人自昔多秋思志士何
曾戀故鄉聖代車書方混一觀光自幸覲明王
雉堞橫空入杳茫山河百二控要荒聖皇綏遠恩
威洽良將籌邊畫策長有家乘軺來望闕何人衣
錦此還鄉蕭進士有策還衣錦之句棄繻自是男兒事四海如
今仰一王

遼野燕山接渺茫地偏東極際窮荒堂堂歲月容
顏改納納軋坤道路長杜老題詩常戀主仲宣作
賦苦思鄉只今猶記釣天夢五色雲中拜聖王
遼陽往事想微茫躡武隋唐志已荒聖代即今文
教洽吾邦千古翰蕃長衣冠禮樂尊中夏日月山

河繞帝鄉人物滿朝夔稷盛文章况復盡歐王

盤山途中

泥途滑滑馬鈴聲
峴峴杳弓刀路幾程
已負少游騎
款段擬從列子御
清冷波明渤海澄
深碧雲盡巫山偃
蹇青有興吟詩還
苦澁悔教雙鬢早
星星

高平曉發道中遇雪

四更孤館鷄啞啞
星月稀微風露下
燈前飯罷膏我車
北風捲地吹倒驢
狐裘薄薄羶帽寒
一步二步行路難
遠客胡為愁似髮
驚見人間九月雪

是月十六日也

乘雪到沙嶺

騎馬衝寒雪
伶俜道路中
誰憐無酒債
自笑足詩

窮旅食衣從典行
裝橐已空家山今
近不先問北來鴻

渡三义河

離離晴雪海門秋
紅葉黃蘆滿眼愁
却喜三义無恙在
歸來安穩送回舟

晚發牛庄海子衛
路上遇尹同年

子雲尹中樞吉生以奏聞使赴京小坐一酌叙別

我已東還國君今
北問津相逢萬里
路俱是半途入跋
涉都無効分離又
愴神一杯江上酒
忍見白頭新

得家書宿海子衛作

去國已四月家書
今始來書中道何
如得之不敢

開開緘見無恙試可寬吾懷行當返吾廬何不快樂
倒杯

到鞍山次同年金文良詩韻

遼野知何在相望隔一山形容吾矍鑠道路馬蹏
跚舉酒詩新就憑高興未闌黃金休說盡取作遠
遊顏

夜到遼東館

歸來到遼館漸覺近吾廬妻子三封信親朋一字
書艱難今始得驚喜定何如坐共鄉人語秋宵已
半虛

余既從丘生之請和蕭進士山海登樓詩韻
其兄進士丘霽次韻見寄謹奉和
丘進士居遼東

航海梯山路渺茫盛朝文教被幽荒周官禮樂千
年盛禹貢輿圖萬里長須信皇恩均四域不知身
世是他鄉還家為說觀光樂接武夔龍際聖王
宦情羈思共茫茫九月遼陽草樹荒地接幽并關
塞渺天連渤海水雲長夢中猶記瞻雙闕眼底分
明見故鄉償得平生弧矢志歸來好是佐吾王
北去南來歲月茫長郊落日政荒荒有山自竝閭
山聳眼海蕪隨遼海長溪隔白鷗是何處隴分黃
犢似吾鄉東邦自古蕃維壯萬歲千秋奉哲王

青石洞

依然青洞裏又有去時人遇石先回馬穿林巧避
身矮梨多結子卧櫟半生鱗擬遠躋攀去登高可

暢神

喻嶺遇聖節使任中樞 孝子千秋使梅中樞

佑路上小坐一酌叙別

君向北歸我向東相逢路上一杯同別愁段段無

窮盡薊樹灤江似夢中

悼鄭校理以雅二首

命矣鄭君子胡然而至斯艱難萬里路奄忽一生

涯旅櫬憑誰托羈魂亦自悲當時同患客雙泪已

交頤

多子國士器功名方妙年俄然勤跋涉忽此抱沉

緜藥餌都無効存亡捨有天鴨江蒿葬處有淚徹

重泉

宿高嶺

夜宿依高嶺難堪秋夜長乾坤頻虎穴道路幾羊

腸空谷邊風緊疎林澹月光行行乘曉發鼓角動

清霜

曉過羅匠塔

行穿萬木裏十步見明星怕聽幽禽語如聞餓虎

腥一層孤塔白數朶近峯青曉酌三杯酒天寒吹

易醒

道中二首

青山當去路紅葉暗關津立馬不知處隔溪猶喚

人

怪石連蒼巘飛禽映碧湖遼東一片地曾似畫圖

無

宿八渡河

龍鳳站前疊亂山八河如酒綠堪殫猿啼老樹千
岑靜鴈度長空五夜寒戀主尋常勞夢寐逢人第
一說鄉關平生立志唯忠孝未信人間行路難

喻伯穎洞

嶒峻馬骨聳於山小路縈迴幾詰磐不奈西風無
檢束亂教紅葉送征鞍

開州城

鳳凰山色鬱蒼蒼一片孤城倚夕陽孽胡寧知長
遠計後人猶解戰爭場溪雲欲雪連天黑崖樹曾
霜捲地黃遠客胡然多感慨西風舉酒立蒼茫

宿權坪

暮止溪邊宿松燈一夜明擁衾成餒寐秣馬度殘
更峭壁鑱天立寒溪啣石聲貪程中夜起鼓角報
行程

夜行

深林昏似漆歸路細於絲馬怕渡橋處人愁躋險
時溪聲流不盡山色曉先知漸覺龍灣近行行喜
得詩

登義州後嶺

長風吹我上高丘一望中原萬古愁鶴野鴨江連
渺渺錦帆玉璽兩悠悠金湯有險山河壯戰伐無
塵草樹稠往事蒼茫何處問夕陽無語獨回頭

浮碧樓次韻

永明寺裏浮碧樓樓下長江今古流萬里乾坤入
把酒百年興廢客搔頭白雲黃鶴倦何去芳草晴
川思不休欲喚英雄無處問斜陽雖好自生愁
絕壁盤回上有樓蕭蕭黃葉早驚秋龍歸分島月
猶在麟去朝天江自流白鳥豈知興廢事青山不
管古今愁居僧且莫勤携袖落日烟波送客舟

次牧隱詩韻

古國山河在西風客倚樓魚龍迷舊水鴻雁叫新
秋慷慨追前事徘徊獨勝遊悠悠思不盡舉酒酌
江流

又

欲問麒麟窟先愁鸚鵡洲天孫渺何處斜日半高
樓

箕子祠

嘆息殷王子荒涼獨此祠西周陳範後東國化民
時荔子春秋謹碑文日月垂由來多慷慨耿耿醉
芳卮

松都

鷄鴨功高五百春螟蛉二世竟亡秦江山形勝今
猶在文物衣冠想已淪宮苑無人虛白晝英雄有
骨盡黃塵百年慷慨秋風客麥秀詩成獨愴神

壺串

偽辛當日事盤遊此地窮崇為起樓走馬塲平山

北起浴龍川迥水西流春風不復飛雙燕明月多
時屬一鷗萬古松京亡國恨淡烟疎樹不勝愁燕雙飛

附

北征錄序

詩之道大矣古今異世而詩無間也中外異域
而詩無別也蓋道之著者為文文之成音者為
詩人有不同而同此心心有不同而同此道道
同則形之言者無往而不同矣苟不於此求之
而屑屑焉古今中外之較豈知言哉此余於朝
鮮徐君剛中之詩所以有取焉耳朝鮮東方禮
義之邦詩派相傳夙有攸自逮際 皇明氣化

丕隆聲教淪浹能言之士尤彬彬乎視昔有加
徐君博古通經擢魁科躋顯仕文學優著國人
咸推重之天順庚辰奉其 主命入覲于 朝
往還幾八千里上則觀乎都城之宏壯 宮闕
之崇麗車書文物之會同禮樂典章之明備下
則觀乎山水之高深道途之脩迥民風土俗之
熙皞鳥獸草木之咸若凡其接於目觸於心者
悉於詩發焉長篇短章泐泐乎其美盛也淵淵
乎其有本也浩浩乎其不可窮也推其所至與
中國能聲詩者殊不相遠等而上之雖古人亦
豈多讓哉是固所謂心同道同而形之言者無
不同也昔陳良北學於中國北方學者未能或

之先是以孟氏稱為豪傑而其名至于今不泯
以徐君觀之其東韓之豪傑歟余承天子命
來使朝鮮適君為遠迎使既又陪于館中送于
鴨江之上相與凡四浹旬山川風物倡酬殆遍
用是益信其能也君以余有斯文之雅出其北
征蒿請言序之予忝使職正思采東人之詠以
觀所志而獻之于上則於其集豈能忘情耶
庸書此置其篇端俾人知詩道之大無古今中
外之間而徐君所作得乎此心此道之所同然
抑有以見 聖朝文明之化所及者遠而所感
者深也君名 居正 仕其國今為議政府左叅贊
所至蓋未可量云成化十二年歲合丙申春三

月穀旦 賜進士奉政大夫戶部郎中東廣祔

順 書于義順館之左廂

北征錄跋

右北征日課四佳徐先生奉使觀光之紀行也
先生以華國大手杖節言邁談笑預晤超越四
千里而窮遊覽其間山河之勝風土之異皇都
文物之偉麗萬國殊俗之會同凡物像之與目
謀者隨所感觸莫不牢籠總統驅入吟脾長篇
短韻春容典雅奇藻遽發燦爛若編貝而貫珠
信乎有三百篇之遺音專對不辱乃其餘事耳
然先生自以謙退不欲多示旋作旋藏不使其
雋永膾炙於中朝人口而知其為華國手也余

竊恨之先生之外祖陽村先生嘗入朝 太祖
高皇帝使詣文淵閣與一時文士比肩以遊仍
命題賦詩大加嘆賞 親製詩賜之而壽梓流
傳為先生永世家寶先生文章事業有祖風烈
倘使同其遭遇露其精華則吾東方入覲 天
庭展布所學紆 皇眷而見知於天下自是一
家事而太史氏世書其美矣豈獨是日課而已
哉先生囑余書藁辭不獲遂塞命云時天順六
年蒼龍壬午中秋下旬延安李淑次公書
讀北征錄

頃承新藁焚香圭復者累日至忘寢食不能釋
手何余嗜之多乎景醇竊自惟念是編雖小備

全象妙其用律精嚴則如高人義士坐談禮義
不踰繩墨悲懷慷慨則如楚澤孤臣投淚嘔吟
怨悱不辭長篇大作則如淮陰老将坐籌轅門
百萬精卒隨其指畫自漢都暨燕京數千里跋
涉之勞雄藩上都人物之美禮樂之盛括盡無
餘如董狐良史隨事謹書美惡自見景醇雖非
具眼閱奉 使錄多矣保合衆美擅有三長獨
於是見矣嘆賞不足繼之以詩
夫子文章動海壖往年曾得去朝天佳山勝水
三千里短什長詞數百篇變態春雲橫掩萬高
情秋月闔清妍寄來一展晴窻下遼薊分明隨
眼前

四律詩集七
三二
澆音哇沸亂人聽到得君詩眼忽明金椀蔗漿
隨嗜好玉壺寒露洗臙腥看來頓覺沉痾愈妙
處渾疑道骨成愧我平生無好語細吟終日卧
風櫃

姜希孟景醇藁奉
作容燕都問幾秋如今高卧思悠悠沉吟半日
西征錄磊落山河盡舊遊

申叔舟泛翁

麻川集奉還希收下落因寫七言一絕寄去并
致意剛中徐相惜未會也
麻叟詩詞最可人箇中徐子更清新何時得向
朝鮮去約會行謁漢水春

鍊東子揚琚

次朝鮮國徐宰相詩韻
萬里皇華使來觀上國光衣冠同一制萍水各
他鄉東海波濤闊南天日月長何時重再會極
目永相望

安南國副使梁鶴

次韻徐奉使用蕭進士山海衛登樓詩
一望高樓思渺茫野空雲淨曠遐荒山連薊樹
千重碧海接蓬萊萬里長戀主此心遙望闕榮
親晝錦躉還鄉明春匹馬重歸覲喜際唐堯冠
百王

碧空如水共茫茫一片孤城倚大荒北控胡夷

四佳詩集卷之七
一
三
關塞遠東通王貢海天長欣逢治化隆千古那
有才賢滯一鄉菲薄曾將三策獻許攄忠蓋吞
明王

遼陽進士丘霽

四佳詩集卷之七

